

**Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuummut isumaliutissiissutaa**

**Kultureqarnermut, Ilinniartitaanermut, Ilisimatusarnermut, Ilageeqarnermullu  
Ataatsimiititaliap**

**ILASSUTAASUMIK ISUMALIUTISSIISSUTAA**

**Siunnersuutip pingajussaaneerreqarnerani saqqummiunneqartoq**

Ataatsimiititaliap suliaqarnermi ukuninnga peqataaffigineqarpoq:

Hans Aronsen, (IA), Siulittaasoq  
Jørgen-Ole Nyboe Nielsen (D), Siulittaasup tullia  
Harald Bianco, (IA)  
Ruth Heilmann, (S)  
Aleqa Hammond, (S)

**Ataatsimiititaliap suliarinninneranut tunuliaqut**

Inatsisissamut siunnersuutip pingajussaangiinnerani ataatsimiititaliamut ingerlateqqinneqarnissaa kissaatigineqarpoq. Tamanna patsiseqarpoq kommunini immikkoortortani pisortat ammalu perorsaanermut siunnersortip Qaasuitsup kommuaneersut, Sermersuup kommunianiit ammalu Kommune kujallermeersut Nuummi ataatsimiinnermini Meeqkerivitsialaap ingerlanneqarnera inatsisissammut pineqartumut killiffimminnik ataatsimiititaliamut apuussa qarussimanerat ataatsimiititaliamit akuersaarlugu akuersaaneqarmat.

**Ataatsimiititaliap siunnersuummik suliarinninnera**

Ataatsimiititaliap Inatsisartut inatsisissaattut siunnersuutip aappasaarereernerup kingorna kommuni immikkoortortani pisortat aammalu perorsaanermut siunnersortit Inerisaaviup aaqqissugaanik Nuummi ataatsimiinneranni, Meeqqat suli atualinngitsut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuummut piareersaatiminnik aammalu Meeqkerivitsialaap killiffianik ataatsimiititaliamut paasissutissiipput.

Siullermik ataatsimiititaliap Naalakkersuisunut kaammattuutigiumavaa, meeqkerivinnut inatsisissamut suliniutaasunut malitseqartitsiniarnermi aningaasaliissutaasussanut,

nalorninaatsumik tamanullu paasiuminarsakkamik, aningaasanut inatsisassamut qularnaaraluni aningaasaliisoqarnissaa.

Immikkoortortani pisortat perorsaanermullu siunnersortit ataatsimiititaliamut saqqummiussaqaarnermi siullermik oqariartuutigaat, meeqquerivinni angajoqqaat siulersuisoqarunnaarsimanerat pitsaasutut nalilerneqartoq. Erseqqissaatigineqarluni, meeqquerivinni pilersaarusiernerit siuarsaanerillu, angajoqqaat siulersuisussaannik qinersiniartarnerit piffissamik sivirusumik atuisitsisartut, pisussanullu isummerniartanerat utaqqineqarunnaarnerat, sullissinerup eqaallisaaneranut maluginiarneqartoq. Tassunga atasumik ataatsimiititaliap Naalakkersuisut kaammattorumavaat, suliat akimorlugit sumiiffinni ataasiakkaani suleqatigiisitani angajoqqaat aallartitaannik peqataatiqartoqarnisaaannik ersarissaasoqarnissaa.

Paasissutissiilluni saqqummiussisunik ataatsimiititaliaq pasitinneqarnini apuussivigineqarnini aallaavigalugi imaattumik Naalakkersuisisunut kaammattuuteqarumavoq, illoqarfinni mikinersuni nunaqarfinnilu isorliunerusuni illut sulliveqartitertuni meeqquerivittut atorpeqarsinnaasunik piukkunnaateqartoqaraluarat, attartornermullu akigitataq ingerlatsinermut sanilliullugu qaffasippallaarmat, atorpeqaratik uninngaannarput.

Tamanna pillugu ataatsimiititaliap Naalakkersuisut kammattorumavai, ajornartorsiutaasoq pillugu qaqilereqqullugit, tamannami inatssissami siunnersuutigineqartumi siunertarineqarluni suliniuteqarfissatut meeqqat inuusuttullu suliniuteqarfigineqarnerannut pilersaarutaasunut ilaatinneqarmat. Ataatsimiititaliaq isumaqarpoq, inatsisissaamut siunnersuutip sapinngisamik siammasissumik kinguneqartinnissaanut, Naalakkersuisullu ilaatigut 2025-mut pilersaarutaannut anguniagaqartoqassapt, taava isorliunerusuni najugallit Naalakkersuisunit iliuuseqarfigalugit pilersitsinissamut iliuuseqarfigineqartariaqartut.

**Ataatsimiititaliap inassuteqaataa**

Kultureqarnermt. Ilinniartitaanermut, Ilisimatusarnermut, Ilageeqarnermullu Ataatsimiititaliap isumaqatigiittup qulaani oqaaseqaatigineqartut tunngavigalugit inassuteqaatigaaa siunnersuut Naalakkersuisunit saqqummiunneqartoq akuersissutigineqassasoq.

Taamatut oqaaseqaateqarluni siunnersuut ataatsimiititaliap pingajussaaniigassanngortippaa.

---

Hans Aronsen

Siulittaasoq

---

Jørgen-Ole Nyboe Nielsen

---

Harald Bianco

---

Ruth Heilmann

---

Aleqa Hammond